


ديوان خايف أحيها

محمد العتريس



حقوق الطبع والنشر محفوظة
لدار الأديب للطبع والنشر والتوزيع

دار الأديب للطبع والنشر والتوزيع	اسم الدار
خايف أحبها	اسم الديوان
محمد العتريس	اسم الشاعر
(٢٠١٨ / ٢١٥٢) بدار الكتب المصرية	رقم الإيداع
دار الأديب للطبع والنشر والتوزيع	الإخراج الفني
من تصميمات الدار ..	الغلاف

Facebook: Dar.Aladeb

Email : daraladeeb@gmail.com

Tel: 002- 01014449164

يارب قويني

يارب قويني بايماني بيبك
وخلي تووالي دايماً عليك
متخلنيش الجأ لغيرك
ولا اسأل حد في خيرك
انت اللي في ايديك كل شئ
والكون ده كله كونك
مانت الغني انت الغني
وانا العبد الفقير اليك

يا امي

ايه الكلام اللي يوصف
احساس بالشكل ده
اللي جوايا مايتوصفش بالكلام
العادي اني اقولك
كل سنه وانتي طيبه
زبي زي غيري ويكل اهتمام
بس انا جوايا احساس
ماحستهوش كل الناس
احساس اقوى من كل الكلام
يا امي
كل حرف من حروف اسمك
بيجري ف دمي
يا امي
انتي الامان وانتي الحنان
وانتي عمري

لو شوفتيني ساكت
بتسأليني مالك
بتلقيني جنبي
من غير مقولهاك
حنينه طيبة
في كل وقت معايا
بالرغم من سكوتي
فهمني حسان
بتعرفني اللي جوايا
من نبرة صوتي
يا امي ..

انتي الكبيره

انتي الكبيره يا مصر طول عمرك
وتاريخك على مر الزمن يشهدك
ياما مريتي بوقت شده ومحن
ووقفتي وقفه الحر وابن البلد
خليتي كل واحد فينا يفتخر
انه على ارضك عاش واتولد
بنتباهى بيكي قصاد العالم
وبينا ومابينك حب وتفاهم
مش واجب علينا
ده احساس مالينا
هو ده الطبيعي من شعب بيحبك

يا مصر عشتي لولادك وشفتي
كام واحد ضحى بعمره فداكي
بنعشك ونحبك ونعرف قيمتك
من يوم ماتولدنا تحت سماكي
لو هنتكلم هنقول ايه
اسمك كفايه
رافع راسنا ومعلينا
لحد النهايه
بنتباهى بيكي قصاد العالم ..

يامصر دايمنا اولا وابدا
انتي اللي اسمك بيعلى وكيانك
ما بين الشعوب وجوه الحدود
والعالم ده كله يعرف مقامك
لو هنتكلم هنقول ايه
اسمك كفايه
رافع راسنا ومعلينا
لحد النهايه
بنتباهى بيكي قصاد العالم ..

ياما اتمناني

ياما اتمناني وسهرلي ليالي

ويشوفني يداري

في عيونه شوق لياليه

بعد ماحبيته بشوقي ناديته

بصيت ولقيته

مسهرني وشاغلني بيه

اللي اتمناني ازاي خلاني

مش داري بحالي وليالي

سهران بناديه

يا شوق اوصله قوله يكلمني
نفسي اسمع صوته خليه يظنني
حالي وياه بقى حال
والبعد غير احوال
مش عارف افضل مستني
ولا انسى انه يكلمني
ولا اعمل ايه
اللي اتمناني ازاي خلاني ..

يا ليالي بعده وعدني هيجيني
وعدني بيقالي مش يبقى ناسيني
حالي وياه بقى حال
والبعد غير احوال
مش عارف افضل مستني
ولا انسى انه يكلمني
ولا اعمل ايه
اللي اتمناني ازاي خلاني ..

انسانی وافتکر

انسانی وافتکر ایامک معایا
عشان اتکسر احساس جوایا
لو هتلموم لوم علی نفسک
ماتلموش علیا
کنت حقیقی شایفک حاسک
بکل ما فیا
بس انا دلوقتی تعبت وقلبی
محتاج یرتاح وینسی شویه

دي الايام اللي انا عشتها
في حضن هواك
عدى وفات خلاص وقتها
وانا بستناك
يعني ليالي حبي دي بقت
ذكرى معاك
لو هتلوم لوم على نفسك
متلومش عليا ..

ليه تستغرب ومتصدقش
اني هسيبك
انا لو منك انا مسألش
ادي مصيرك
انت نسييتني وقت ماكنت
اسمي حبيبك
لو هتلوم لوم على نفسك
متلومش عليا ..

أنا اتغيرت

خلاص بجد أنا اتغيرت
مش هفضل زي ماكنت
من كدبك ياما اتعلمت
وكنت بفتكرك انسان
كلك احساس بس مزيف
كل ماتوعد دايمًا تخلف
لما باعتبك عادي بتحلف
وبتعمل نفسك زعلان
اتاريك بتدوب احزاني
بتدوب حيرتي وملامي
وترجع تاني بتنساني
وتسيبني لوهمي والامي
وكأن كلامك وغرامك
ده كأنه ماكان

كلمتك اكثر من مره
عن حالي معاك
ترسم احلام واماني
وتبأن في ملاك
اديلك فرصه وبصدق
كل اللي اتقال
اتاريك بتدوب احزاني ..

ولما بشكيلك م الوده
من قلتي وخوفي
بلاقي كلامك يطمني
وتقولي ظروفني
اديلك فرصه وبصدق
كل اللي اتقال
اتاريك بتدوب احزاني ..

سهله وبسببته

كنت بفتكر ان الحياه سهله وبسببته
عشتها بطببه وحسن نيه
عرفت ناس قلوبها كانت مش بريئه
ولا بسه وشوش كلها حنيه
طلعوا ناس بالاسم ناس
مفبش اخلاص
مفبش مشاعر ولا احساس
ناس عابشبن ومش حاسببن
بناس تانببن
كل همهم نفسهم وخلص
وباقول لروحي ياروحي
ماترعلبش مني بقى وحقك علبا

انا اللي غلظت في حق نفسي
عرفت ناس متستاهلشي
اديتهم حاجات كتير من حقي
اديتهم اكثر من حقهم
قلت عادي دي الناس لبعض
معملتش بيني وماينهم فرق
معاملتش حد احسن من حد
وفي نظري ياما كبرتهم
خدوا مني الخير كله وبيزاده
وفاتوني لما احتاجتلهم كالعاده
طلعوا ناس بالاسم ناس
مفيش اخلاص ..

قدرتوا تنسوا

قدرتوا تنسوا ليالينا

وتنسوا كده بسهولة

عشرة سنين

هانت عليكم ليالينا

وكل حاجه معقوله

حتى الحنين

حبايبكم احنا يا حبايب

في القرح تلقونا قرايب

والجرح نسبق ونطايب

نمسح دمعتمك بادينا

عمرنا مانفكر ننساكم

ودليلنا شوقنا لرؤياكم

بس اللي تاعبنا وياكم

نظرة عينيكم لعيننا

من امتى شوقنا بيألمنا
وفراقكم عمره ما علمنا
ننسى هواكم
قصاد جفاكم
أو نأسى حتى بكلامنا
حبايبكم احنا يا حبايب
ف الفرح تلقونا ..

الفرح عمره ما فرحنا
من يوم هواكم ماجرحنا
وتعبنا منكم
ف البعد عنكم
ولا شوقنا نظرة تريحنا
حبايبكم احنا يا حبايب
ف الفرح تلقونا ..

تبقى صاحبك

مش حاسس بحاجه من ناحيتك
او عي تفكري كنت بخدك
في واحده ثاني في حياتي
ملكت مشاعري واحساسني
هي اكيد مش احلى منك
ولا حتى تشبهك
والفرق اللي بينك وبينها
طبعاً في صالحك
متزعلش بقى مني
ده شئ غصب عني
عشان اللي حبيتها تبقى صاحبك

اتلقیت فیہا صفات
ماتلقتهاش فی واحدہ غیرہا
دہ غیر ہدوعہا ورقتہا
حسیت ویاہا بحاجات
بانٹ علیا من غیر ماقولہا
قصاد عیونہا ویرانتہا
حاجات کثیر شدتہا لیہا
ولقیت بیزید احساسی بیہا
ہی اکید مش احلی منک
ولا حتی تشبہک ...

ليه يا قلبي

ليه يا قلبي ليه سقاني
ظلم قلبه قصاد حناني
اي واحد غيري تاني
مش هيرضى بالهوان
ليه بيرضى ليه بأسايا
اللي قلبه عاش معايا
كان بيحلم في البدايه
يلقى دنيا من الامان
اتلقاها في حضن قلبي
قال كفايه انت جنبي
قلت يا فرحة عينيا
كل مادا هتحلى الدنيا
من النهارده يهون عليا
اي جرح مهما كان
اتلقيتني بعيش في كدبه
كل شئ في عيني غربه
نمت وصحيت الامي
ماتلقيتش غير ادامي
كل حلم من احلامي
انتهى قبل الاوان

مش غريبه انك تفارقي
بعد ما كسرتي قلبي
بعد ما قلبك ظلمني
من البدايه غصب عني
وكنت فاكر هيقاسمني
كل فرحه من الزمان
مش كفايه بعدي عنك
بعد ما اتهيألي انك
دنيا حلوه مقسومه لي
عمرها ماجت ف بالي
ابتديت ابني ف امالي
اتلقيت جرح وهوان

عادي

عادي لو تحسي بوجودي
وقربك مني شئ عادي
عادي لو تفكري فيا
وتحضني ايدي بايديكي
لو هتعيشي ع الماضي
بكل جراحه
مش هنشوفي اكيد بكره
ولا افراحه
ولا هتحسي بطعم الحياه
قوليلي اقولك ايه تاني

عيونك ليه مش بتتكلم
بشوفهم تملي ساكتين
خايف ل الامل بيعد
وتنسي ان احنا عايشين
د انا عايشلك ومستني
اشوفك عايشه علشاني
لو هتعيشي ع الماضي
بكل جراحه ..

تعالى عيشي في الدنيا
سيبك من اللي انتي فيه
دي نظرة بس والتانيه
هتنسي جرحك ولياليه
د انا عايشلك ومستني
اشوفك عايشه علشاني
لو هتعيشي ع الماضي
بكل جراحه ..

نظرتي مش كده

مش معنى بابصلك

ابقى معجبة

انا عايزه افهمك

نظرتي مش كده

اه عارفه انك جان

حبوب ولطيف

اه لك معجبات

غني عن التعريف

بس انت لفت نظري وبس

بطل بقى اسمعني وبص

يوم ماهب عايزه حبيبي

مايبيضش غير ليا

مش عجباني طريقتك دي
كلام بس وحوارات
تتكلم مع دي وتبص لادي
ومفيش واحده شغلاك
اه عارفه انك جان
حبوب ولطيف ..

شوف ياسيدي هبسطهاك
علشان بقى تفهمني
وتاني وتالت هكرهاك
مش انت ال هتشغلني
اه عارفه انك جان
حبوب ولطيف ..

اهي دي الحقيقه

ايه تاني هاقدر اعمله
غير اني ابعث خلاص
في شئ مبانث في اوله
وكان عندي احساس
اهي دي الحقيقه
اللي انا دلوقتي صدقتها
مكانتث باينه
وبانت خلاص في وقتها
امشي وسيبيني وياريت
بقي تفهميني
كثر الكلام مش هيرجع
احسلسي تاني
وحاجات كتير خسرتها

قدمت لك حاجات كثير
ما فهمتهاش
وفي حاجات خلتيني
ما حسيتهاش
خلاص حقيقي
مشاعري ليكي اتغيرت
حتى عيوني
مش قادره تاني تبصلك
ولا حتى فاكر أي ذكره
معاكي كنت بحسها
اهي دي الحقيقه
اللي انا دلوقتي صدقتها ..

مش هتقدر

مش هتقدر تحب غيري
لأ وارهناك كمان بعمرى
انت قلبك دايماسيرى
انت دايماملك امرى
تبعد ابعد عن طريقى
جرب انسى حبى الحقيقى
هتلقى نفسك ايام ليالى
سهرا تفكر تحلم بقربى

انا مش هعاتبك ولا هالومك
لكن هسيبك ترضي غرورك
ياللي وهمك واخذك وناسي
مين حبيب قلبك عيونك
وان قدرت تنساني مره
ابقى حب ميت مره بعدي
تبعد ابعد عن طريقي
جرب انسى ..

انا مش هنده في يوم عليك
ولا حنيني هياخذني ليك
هستنى وحدي واقف مكاني
شايف بعيني حيرة عينيك
وان قدرت تنساني مره
ابقى حب ميت مره بعدي
تبعد ابعد عن طريقي
جرب انسى ..

سوء حظ

سوء حظ ده ولا سوء تصرف
ولا ده نصيب نفسي اعرف
بقيت انا والظروف والدنيا
غالب ومغلوب ودمعتي مابتتشف
مع اني ماشي وخطوتي ثابتة
وعندي هدف وراسم له سكه
بعمل حسابي معملش غلطة
عشان مابحش اني اتاسف
هو ده مبدئي وده اسلوبي
في كل احوالي ببص لعيوبي
واللي هيصيني يبقى مكتوبي
لا عمري هنكسر ولا هضعف

حاسس بيأس دايمًا يلاحقتني
في كل سكة واي اتجاه
لكن بالقول سوء فهم مني
بصبر نفسي على الحياه
مع اني ماشي وخطوتي ثابتة
وعندي هدف ..

هم بيبيكي بجد وهم بيضحك
وهمي عدى وفاق الحدود
وتملي بسأل سؤال ومحدد
العيب بس فيا ولا مكتوب
مع اني ماشي وخطوتي ثابتة
وعندي هدف ..

ماتقولهاش

ماتقولهاش حاجه عني
سيبها مش عارفه متألماش
سيبها زي ماهي فاهمه
اني بردو مستاهلهاش
مش هقدر اشوف عيونها
وهي عشاني بتبكي
وهرضى ابقى في نظرها
انا اللي خنت وعدي
اصل انت معرفتهاش
زيي ومحستهاش
اصل انت متعرفش
تبقى بالنسبالي ايه

بلاش تحكي لها عني
بلاش توجع قلبها
وان جابت هي سيرتي
قول حتى كرهتها
مفبش في ايدي حاجه
وده اللي اقدر عليه
مش هقدر اشوف عيونها ..

سيبها تعيش حياتها
وتنسى انها عرفتني
ونفسي يوم مقابلها
مببانش انها وحشتني
مفبش ف ايدي حاجه
وده اللي اقدر عليه
مش هقدر اشوف عيونها ..

مره من المرآت

مره من المرآت اترجيتك تستيني
قولتيلي وقتك فات ال وانا فاكرك بتحبيني
ايه معني كلامك دلوقتي
الوقت خلاص بقى مش وقتي
زي مامشيتي وسيبتيني
همشي واسيبك وده من حقي

خدعك احساسك وغرورك
فكراني لسه مستني
ولا شايف نظره في عيونك
بتقولي سامحني اعذرنى
وكأن ماكنش مابينا فراق
وكأن لوأكي لقى المشتاق
ايه معنى كلامك دلوقتي
الوقت خلاص ..

ارجوكي سيبيني انا نسيته
شيلتك من الحاضر والذكري
لو غلطني انى حبيتك
اهي غلطة وعدت على فكره
يعني ولا حاجه شداني ليكي
لا شوق ولا حب ولا عينيكي
ايه معنى كلامك دلوقتي
الوقت خلاص ..

بقالي سنه

واقف على بابہ بقالي سنه

في قلبي غرام وحنين وهو

فضلت انادي

بكلام مش عادي

يصحي شوق كام قلب وده

بيسال مالي

مش داري بحالي

طب اعمل ايه قولولي بقى

من كتر غموضه

وسحره وعوده

وجماله دلالة عجبني انا

انا هستنى انا مش همشي
لارم يعرف كده على فكره
ل حد ما قلبه يطمئن قلبي
بكلمه بهمسه ولا بنظره
اصل انا مش هقدر
في غيره هافكر
ولا هتلاقي في وصفه كده
فضلت انادي
بكلام مش عادي ..

لا انا بالي هيهدا ولا هرتاح
غير والشوق بينادي عليه
وقلبه يحس نفس الاحساس
اللي انا قلبي حاسس بيه
اصل انا مش هقدر
في غيره هافكر
ولا هتلاقي في وصفه كده
فضلت انادي
بكلام مش عادي ..

احلمي

زي ماكنا بنحلم زمان

احلمي

ماتقوليش فات الاوان

احلمي

طول مافي لحظة شروق

طول مافي لحظة غروب

لازم يبقى في قلوبنا شوق

لحلم ممكن نلقاه مكتوب

جايز ياعمري ف عمرنا

تيجي الليالي بحلمنا

احلمي

اي حلم في الدنيا ممكن
يبقى جزء من الحقيقة
بس لازم في قلوبنا تسكن
كل احلامنا البرينة
ماتقوليش ازاي وليه
والعمر فيه بس ايه
طول مافي لحظة ..

ابني امالك انسي الامك
خلي عمرك كله بكره
كل اللي جي من ايامك
نفسه بيبقى احلى ذكرى
ماتقوليش ازاي وليه
والعمر فيه بس ايه
طول مافي ..

انا الرمالك

انا الرمالك النادي الملكي
نادي الكرامه مصري عربي
في كل مكان رافع رايتي
افريقيا والعالم كله
عارفين مين يبقى انا
انا الرمالك وانت عارفتي
بتاريخي وناسي ولعيبتي
بانجاراتي ولون تيشرتي
يكفيني بس اقولك
اتا اكثر من مائة سنه

عندي رصيد من البطولات
ورقم قياسي وانجازات
عن جداره وعن استحقاق
وتملي رافع اسم بلدي
قاري ودولي وبكل اللغات
مفيش اسم غير اسم مصر
عندي فارق . انا الزمالك

شخصيات ورموز وكيان
سياسي ورياضي وفنان
من سنين وسنين وكمان
تاريخ يشرف جمهور
تملي ورايا وفي كل مكان
يهتف باسمي وقت الشده
والمكاسب . انا الزمالك

انتي فاكره

لو الف سكه هتمشي فيها
مش هتلقى حد في حناني
راجعي نفسك بقى واحسبها
فكري ولو حتى لثواني
تبقى لسه مافهمتيش
لسه قلبك ماحسنش
وعيشتي جنبي
ف حضن قلبي
وانتي قلبك كان بيبعد
خاف يقوب
خاف ل اكون مابحكيش

انتي رايعه بتشكي مني
بحاجات عايشه بس ف خيالك
رايعه تقولي انا مش بحبك
وياما شوقتي فوق احتمالك
تبقي لسه مافهمتنيش
لسه قلبك ..

انتي فاكره هتلقى نفسك
لو بعدتي عن طريقي
فاكره انك مخدوعه فيا
وحبي ليكي مش حقيقي
تبقي لسه مافهمتنيش
لسه قلبك ..

وصية شهيد

ابقوا افتكوني وادعوا لي

ان ربنا يرحمني

وخذوا بالكم من اخويا واختي

اه وابويا وامي

وياريت

ماتنسيكمش الدنيا

اني مت عشان

اتمنيت

اعيش في حريه

وده حقي كانسان

وياريت

تفتكرونني في كل فجر جديد

حبيت

اوصيكم وتبقى وصية شهيد

الظالم والمظلوم

الظالم يقول للمظلوم
انا ظالم كده عيني عينك
عندك محاكم وقانون
يحكم ف اللي بيني وبينك
ويديني ويديلك طولة العمر
ونشوف بقى مين حاله امر
عشان حواليه طبعا ناس
بتقف معاه في الباطل
باعوا المبادئ والاخلاص
والكل عامل فيها راجل
يسخروا منه
ويضيع حقه
ويقولوله موت موت
انت اصلا تحصيل حاصل

الظالم عينيه بجحه
بتنطق شرار
وقلبه ع المظلوم قوي
يتكلم بطريقة وحشه
عنده اصرار
يظلم فيه ويفتري
عشان حواليه طبعاً ناس ..

المظلوم مغلوب على امره
يا ولداه
مهما بين في الحقيقه
اكني اللي يقصف عمره
ابو جاه
قادر والنيه مش بريئه
عشان حواليه طبعاً ناس ..

عامل من الحبه قبه

عامل من الحبه قبه
بتتلكك ومستني غلطة
ليه كل ده بس وانت
عارف انت ايه بالنسبالي
ياسيدي ماشيها وعدي
ماتهتمش بالحاجات دي
انت ليه واخدها بتحدي
متاخذها ببساطه وعادي
لو مش هتغير من طريقته
هشوف انا بقى حل تاني

ليه كل مانتكلم مع بعض
بيني ومابينك سوء تفاهم
ومخرجني عن شعوري
ازاي ده بقى تسميه حب
ومحسنني ان انت فاهم
كل نظرة من عيوني
دي كل كلمه قصاها كلمه
بطريقه مستفزه ومضيقاني

لو شفت واحد بص عليا
وانا بصيت من غير تركيز
وهو فايت من جنبي
بتسيبه يمشي وتسال فيا
واسالتك ما فيهاش تمييز
كاني عرفاه او صاحبي
دي كل كلمه قصاها كلمه
بطريقه مستفزه ومضيقاني

جرالي ايه

وصلت معاها لدرجة
اني بقيت مابصدقهاش
ولما بتقولي بحبك
بسمع لكن مابحسهاش
بقالي سنين وياها
وزي ماكون ماعرفتهاش
ايه جرالي ايه
ساعات بتبقى قصادي
لكن عيني مابتشفهاش
وساعات بحس كلامها
كلام مفيهوش احساس
وكتير بقول استنى
وحاجه تقولي ماتستناش
ليه تستنى ليه
كل ده خلاني اراجع نفسي
واعاتب قلبي
واقوله ياريت مانظلمهاش

كان احساسى بيها
اكبر بكتير من العادى
يوماتى بفكر فيها
مغابتش يوم عن بالى
بحس بحاجه مهمه
فى لؤاها كانت نقصانى
مشعارف ايه غيرنى
وايه اللى غير احساسى
ووصلت للى انا فيه
كل ده خلانى اراجع نفسى
واعاتب قلبى
واقوله ياريت منظمهاش

عائزني اعود عليك

عائزني اعود عليك
من غير انا وانت مانقرب
ازاي واحنا بعيد
احساسى بيك هيوصل لك
ماهو لازم نكون مع بعض
فى كل مكان ونعرف بعض
ساعتها حقيقى هتفهمنى
من نظرة عينى فى اقرب وقت
ونحس انا وانت بأوقات
تحتاج تسمعنى واسمع لك

ليه بيبقى اللي ما بينا
نظرات وحنين من بعيد لبعيد
دي الفرصه لسه ادا منا
نعيش ايامنا وبشكل جديد
تعالى انا وانت نتقابل
مدام هواك وهوايا قابل
اكيد يا حبيبي احساسنا
يوم بعد يوم دايم هيزيد
ما هو لازم نكون مع بعض
في كل مكان ..

خايف احبها

خايف احبها واتعلق بيها
واعيش حكايه ماتتحكيش
اعيشها بخيالي مع نفسي
انا واحد من كتير حواليتها
ساعات اتكلم ماتسمعنيش
وساعات تاخذ معايا وتدي
واجي اصارحها بخاف موت
ل اكون في حياتها مش موجود
أو حد على الهامش
بسكت وبحكى من غير صوت
وباقول لعينيها ايه المقصود
يمكن قلبها حاسس
ومن جوايا صراع بيدور
بيني وبين املتي وبين ياسي

ليها جاذبيه بتخطفني
مني ومن اللي بيعرفني
بتاخذي لبعيد وتجيبني
من عالم تاني
شخصيتها رقيقه وقويه
بشوفها بسيطه وعنديه
بتلعب كده كل ما فيا
لما تيجي قصادي
اول مابشوفها بلقاني بيفرح
وبلقى خيالي عمال يسرح
ف حاجات ملهاش اي وجود
واجي اصارحها ..

رجعتلي بيك

رجعتلي بيك ايام زمان
اللي ضاعت من ايديا
مش عارف ليه وانا وياك
بحس بدنيا غير الدنيا
انت ايه عملت فيا ايه
سحرتني ملكتني
خليتني احس بحاجات
حاجات جديده عليا

عدى وفات كثير من عمري
وكل يوم مستني اقبالك
حتى قبل ماتشوفك عيني
حلمت بيك وكأني جنبك
قرب تعالى هات ايديك
المس ايديا وحياء عينيك
محتاج حناك
محتاج هواك
شوف قد ايه احساس بيك
انت ايه عملت فيا ايه
سحرتني ملكتي
خليتني احس بحاجات
حاجات جديده عليا

ﺧﻠﻰ ﺍﻟﻠﻘﻰ ﻣﻮﺼﻮﻝ

ﺍﻧﺎ ﺣﺎﺳﻪ ﺭﻓﻀﻚ ﻣﺎﺗﻘﻮﻟﻬﺎﻟﻴﺶ
ﻓﻰ ﻗﺮﺑﻚ ﻓﻰ ﺑﻌﺪﻙ ﻫﻘﺪﺭ ﺍﻋﻴﺶ
ﻭﻛﻔﺎﻳﻪ ﺍﺣﺴﻚ ﺑﺎﺣﺴﺎﺱ ﺗﺎﻧﻰ
ﻏﻴﺮ ﺍﺣﺴﺎﺱﻰ ﺑﻴﻚ ﺍﻻﻭﻻﻧﻰ
ﻫﺘﻌﺪﻱ ﺍﻟﺴﻨﻴﻦ
ﻭﺑﺎﻗﻰ ﺍﻟﺤﻨﻴﻦ
ﺧﻠﻰ ﺍﻟﻠﻘﻰ ﻣﻮﺼﻮﻝ ﻣﺎﺗﻨﺴﺎﻧﻴﺶ

انا برفض حقيقي
نبقى ماضي وذكري
انا هعتبرك صديقي
وعندي امل في بكره
يقويني في ضعفي
يبدل لي عواظفي
ماهو اللي يحب بيضحى
عشان خاطر حبيبه يعيش
وكفايه احسك ..

انا هرضى بنصبي
ابقى لك مش حبيبه
ومسيرى مع السنين
اتعود على الحقيقه
واطوي لياي
هواك يا غالي
وكفايه تبقى ادامي
لو حتى عينيك مابتشوفنيش
وكفايه احسك ..

جريت

اللي يشوف بلاوي الناس
تهون عليه بلوته
ولو جواه اسوء احساس
بيرضى بقسمته
ربك عالم بحالك وحالي
ومقسمها بحكمته

جريت ف مره تتصالح
مع كل الناس
وتلاقي فيهم كام واحد
كارهك وخلص
جريت تضحك وتداري
جواك احزان
وتبان النظره في عينيك
نظرة فرحان
جريت تقف على حيلك
قصاد العالم وظروفك
وبكل شموخ
تعمل نفسك مش خايف
ومحدثش في الدنيا عارف
جواك مشروخ
جرب كده وابقى تعالى
نفسى اقابل كام حاله
يمكن اتحمل وامانه
فاض بيا الكيل
وقت ما نتقابل احكيلى
عن عالم شايفه بعيني
وهو مش شايف غيري
وموريني الويل

جريت تحكي مع غيرك
بأدب وبذوق
ف حاجه تبقى من حقك
وتطلع محقوق
جريت تحب وتتمنى
يبقى لك بيت
وكل ما بتطلع خطوه
تلقى اتهديت
جريت تحضن احلامك
وهي بتتبخر ادامك
والدنيا سكوت
حاسس بمر فراقها
والامل بينك وبينها
عمالل بيموت
جرب كده وابقى تعالى
نفسى اقابل كام حاله
يمكن اتحمل وامانه
فاض بيا الكيل
وقت ما نتقابل احكيلى
عن عالم شايفه بعيني
وهو مش شايف غيري
وموريني الويل

ساعات نقابل ناس

ساعات نقابل ناس
كل يوم ما بنحسهاش
ساعات نصادف ناس
من نظرة ما بنسهاش
هي الدنيا كده
هنقابل من ده وده
ايام اهي بتعدي
وحياه لازم تتعاش

ناس على طول تقابلنا
وبعيده كل البعد
عن كل شئ ف حياتنا
ولا فارقه معنا بجد
والحاله ما بينا عادي
وعادي بنسى بعض
هي الدنيا كده
هنقابل من ده وده ..

ناس اول مانشوقها
اوام نرتاح لها
ونحس اننا عارفينها
وروحنا بتروحها
ونتمنى تبقى معنا
في حياتنا كلها
هي الدنيا كده
هنقابل من ده وده ..

اعمل ثورة

اعمل ثورة في اي وقت
بس تكون فعلا على حق
ماتسيبش نفسك للظروف
تاخذك وتجيبك
شيل من جواك اي خوف
واجه مصيرك
جازف دي المجازفه مطلوبه
وقبل ماتبدء قول يارب

اعمل ثورة ضد نفسك
ضد اي حاجه تضايقك
ماتحطش ايدك تحت خدك
في كل ازمه وتندب حظك
صدقني سكوتك مش هيفيد
اتحرك ياللا وحدد طريق
وطول ما قرارك دايمه صح
متخافش ابدًا من اي حد
ماتسيبش نفسك للظروف
تاخذك وتجيبيك ..

اعمل ثورة وانت ماشي
لحاجه المفروض متشوفهاشي
ماتقولش ربي زي عيري
وخليك انت دايمه ايجابي
صدقني سكوتك مش هيفيد
اتحرك ياللا وحدد طريق
كده انا قلت كل اللي عندي
هسيبك تفكر ومستني رد
متسيبش نفسك للظروف
تاخذك وتجيبيك ..

من غير حبيبي

ايوا حالي مش عاجبني

وطول الليل بسهر لوحدي

بقول ياعين على اللي بيا

من غير حبيبي

معقول تطول بيا السنين

ومن جوايا احساس حزين

بسنين عمري رايحه جايه

من غير حبيبي

اشتقت كثير لكلمة بحبك
اشتقت ولسه ماسمعتهاش
من حبيبي اللي انا مستنيه
بقالي سنين وقلبي عاش
مستني صدفة تقرب ما بينا
واعيش حياه ماعشتهاش
لحد النهارده ويا حبيبي
ايوا حالي ..

عندي امل واحساس كبير
هقابل حبيبي ومن زمان
قلبي رافض يروح لغيره
رافض مكان غير المكان
صبرت اه صبرت كثير
واقدر اصبر سنين كمان
وعمري مابقى الا لحبيبي
ايوا حالي ..

ماتحلمش بحد غيري

ماتحلمش بحد غيري

لو عرفت انك بتحلم بغيري

ياويلك بقى من تفكيري

انت لسه ماعرفتنيش

ماتفتكرش اني طيب

اكني بطبطب ويطيب

اعرفني بقى من قريب

عشان قلبك مايتعبنيش

ماحبش شريك

يقاسمني فيك

ولو شايف ده عيب فيا

خدني على قد عقلي

متستغريش كده

واثيت لي بقى

في ليالي وسنين جايه

عاير اعرف غلاوتي

انا لوحدي اللي اسكن قلبك
واللي انت تفكر فيه
انا اللي اشغل بالك وفكرك
واسهر قلبك لياليه
من حقي طبعاً من حقي
اناني ما بحبش غير نفسي
دي حاجه اكيد متزعلشي
وانت بقى متزعلنيش

مش انتي

مش انتي
اللي تبقي تاني حبيبتي
بعد ماأديكي قتلتي
احساس جوايا وبعدي
رجعتي

لاء وجايه بتقولي ندمتي
علي قرار خدتيه ف بعدي
ماستننيش اثبتك برائتي
طب ليه

اجي علي نفسي عشان ايه
ده كفايه اللي انتي عملتيه
سيبي قلبي في حاله سيبيه
خلاص

مش فارقه معايا خلاص
ملكيش في حياتي اساس
ابني فوق منه احساس

كنتي كل حاجه في دنيتي
حبيبتي صديقتي صحبتي
ماكنش في حياتي واحده غيرك
عملت في هواكي كل حيله
بقيتي في نظري زي الاميره
ودي كانت غلطتي بيني وبينك
طب ليه
اجي على نفسي عشان ايه ..

صوتك عجبني

سمعت صوتك عجبني
وشوقي ليك غلبنى
من غير ماشوفك راسمك
صورة في خيالى
لو انت فعلا حاسسنى
ونفسك مره تشوفنى
تعالى واثبت لي حبك
ريح لي بالى
ولا انت بقى بتاع الوهات
بتاع كلام بس وحكايات
يا اما تيجي بقى نتقابل
يا اما تنساني

شوف من امتى وانا بتكلم
وانت بتسمع ندايا
وكل مرة توعدي اقبالك
بتخلف وعدك معايا
مشتاقلي تعالى د انا ليك
مشتاق بقالي ليالي
ولا انت بقلى بتاع الوهات
بتاع كلام ..

لو انت بجد عايز تعرفني
ايه المانع طيب قول
بقالك كتير نفسك تقابلني
وتبقى دايم مشغول
مشتاقلي تعالى د انا ليك
مشتاق بقالي ليالي
ولا انت بقى بتاع الوهات
بتاع كلام ..

مش قادر اصدق

مش قادر اصدق
انك مشيتي خلاص
ورحتي لعالم تاني
غير العالم
وسيبتيني لوحدني
جسد بلا احساس
روحي راичه مني
وربي العالم
ببقى مايبين الناس
وحاسس بوحدده
ببقى في عز الصيف
ودنيتي بارده
بيكي بيني وبين نفسي
بيكي بحرقه
ربي صبرني
علي فراق اغلى الناس

مش لاقى نفسي
وكل حاجه مني راحت
بعد منك
مش لاقى نفسي
وكل لحظة بتعدي بيا
بشتاق لحضنك
مش لاقى نفسي
واحساس في قلبي
دايما واجعني
من يوم ما نكتب
علينا الفرقه
ببقى ما بين الناس
وحاسس بوحدته ..

مابحسبلهاش

طول عمري في حالي وماشي دغري

وغيري اهو عاش

ضيعت كتير قوي من عمري

في حاجات طلعت ببلاش

لازم اغير من طبعي

واعمل اللي هيعجبني

وهاعيش

هفك التكشيره من وشي

واقول للحزن ابعده امشي

ماتلزمينش

وتيجي بقى زي ماتيجي

تيجي زي ماتيجي مابحسبلهاش

هبطل امشي جنب الحيط
هواجه الدنيا ومشاكلها
كفايه خوف بقى وسكوت
ف حاجات دايمًا بقابلها
مانا ليا حكاية في الماضي
وحياتي معاه شبه العادي
انا لازم اغير ..

هتغير والبس على الموضه
وهغير نظرتي في العالم
الدنيا مش ضدي ولا حاجه
بس انا اللي مكنتش فاهم
مانا ليا حكاية ف الماضي
وحياتي معاه شبه العادي
انا لازم اغير ..

كلمني عنها

كلمني عنها

انا عايز اعرف حاجه عنها

بتعدي من سكات

بترجع من سكات

ولا بان في عينيها حاجه

دي غير كل البنات

ملهاش ف الحوارات

مش هتلقى منها استجابته

وده يبقى مين

مين يبقى فارس الحلامها

تشوفها تقول اميره
عيونها سود وجميله
تحطف قلبك وتحلي
بالك مشغول وتملي
تفكر فيها وتسالني
مين ده اللي هيقدر يشغلها

لا هي طلة فوق
ولا بان عليها شوق
النظرة منها تسحر
تحلي عيونك تسهر
وطول الليالي تفكر
مين ده اللي هيقدر يشغلها

ولا عمري

ولا عمري بتعلم من اللي جralي

ولا عمري استاهل اللي بيجralي

كل مره بقول اهي مره

غلطة مش هتعود

ارجع تاني احن له تاني

واشتاق لعينيه السود

اتاريني بحبه وحبه

سيطر على قلبي وكل كياني

مهما بزعل منه ويضايقني
عارف انه حبيبي وحابيني
هو ده اللي بعمل حسابيه
ومصبرني عليه

ساعات ببعد كثير ويتقل
وييستتاني لحد مايسال
اكنه عارف طول غيابيه
بفكر فيه

الاقى نفسي بروح له عادي
واقول عديها بقى المره دي
وكل مره بقول اهي مره
غلطه مش هتعود ...

ماتستناش

ماتستناش

لو كانت عايزاك من الاول
مكانتش تمشي ولا تسبيك

ماتستناش

امشي ياقلبي بلاش تفضل

مستني واعترف بعيوبك

طيب ساذج ويتصدق

ناس حواليك دايمًا تكذب

بقالك كثير عمال تنده

ماسمعتش غير صدى صوتك

واحساسك اللي كان واضح

تفتكر ماوصلهاش

حقيقه وهم اديك شايف
لا انت مطمئن ولا خايف
سايبها كده لاي ظروف
بتحسبها ازاي مش عارف
ولا علشان يوم ماقالتك
عايشه علشانك وبتحبك
فاكرها لسه فاكراك
وفاكره باقيه على حبك
يعنى خلاص هتفضل عايش
على ذكرى مابتسهاش
طيب ساذج وبتصدق
ناس حواليك ..

كثرت ذنوبي

كثرت ذنوبي
وناوي يارب اتوب
اجعلها مقبوله
من عبد كله ذنوب
برفع ايدي للسما
وماليش غيرك
الجا اليه
خجلان منك انما
جوايا امل
ومتمسك بيه
ومفيش بيني وبينك
أي شئ محجوب